

Stichting Beth-Rafa compliendo 10 año yudando nos hobennan Arubiano cu a perde control riba nan bida



ORANJESTAD — For di sr. Godfried Wanga y su casa Lorna, bibando na Hulanda, Bon Dia Aruba a ricibi e siguiente comunicado relaciona cu 10 año di existencia di Stichting Beth-Rafa.

Nan ta bisa textualmente asina: Nos Tata den shelo a duna nos un vision y fabor pa cuminsa un proyecto di rehabilitacion aki na Hulanda, caminda nos tin muchanan hoben ta rehabilita cu ta bini di nos Pais Araba: Hobennan cu a perde control riba nan bida y cu a cai den usamento di droga of alcohol of problemanan na cas y na school cu tur consecuencia negativo cu e ta trece cune.

Mi a pasa den cierto momentonan difícil den bida te cu un dia Cristo Hesus a toca na mi porta

, caminda mi a habri, cu El a drenta y salvami y sanami. Mi ta contento di ta 10 año clean mi kieren completamente clean, y si ami por bo tambe por.

Despues di 8 año biahando pa Aruba caminda nos a trece casi 70 persona pa diferente opvanghuisnan akinan caminda hopi ta ariba e bon caminda Dios gracia. Nos a dicidi cu awor ta e momento pa nos mes start un centro di rehabilitacion Zorghuis StichtingBeth-Rafa. Tambe nos tin planes pa den futuro cercano pa stablese e proyecto aki na Aruba, caminda nos por yuda conhuntamente cu teamnan di Aruba pa frena e situacion aki cu no ta nada facil.

Door cu e trabou aki tin un responsabilidad grandi y tambe

gastonan mensual cu e ta hiba cune, nos kier pidi pueblo di Aruba un biahna mas cu henter nos curazon pa para cu nos tras e vision aki cu no ta pa nos, pero pa e hobennan y yunan y famianan cu ta perdi ariba Pais Aruba y cu ta pasando den momentonan tristo y difícil na e momentonan aki caminda mi ta kere cu nos tur sa di kico mi ta papiando di dje. Bo por yudanos door di wanta nos den Oracion of duna un donacion di bo curazon of bo por bira partner pa sostene nos mensualmente cu un contribucion di bo gusto.

Pa mas informacion por fabor ta liber pa bishita nos website : www.bethrafa.com caminda bo por haya un bista mas profundo di zorghuis StichtingBeth-rafa. Bai den www.caribbeaninternettelevision.net y wak un opname recien leu foi cas january 2010. Nos contact person na Aruba y tambe nos partner ta Bernadette Manning propietario di Economic Car Rentel cu ta para cu nos ya caba 2 año y ta sostene e proyecto aki cu henter su curazon si bo kier yuda nos cu un donacion of bira un partner bo por tuma contacto cu Bernadette na telefoon 5933011 of 5830200. Bo por duna bo donacion di bo curazon serca Bernadette anto e lo zorg pa e yega serca nos pa e bon causa aki, y tambe bo por haci cualquier pregunta serca dje. Gobierno di



Aruba, comerciantenan, pueblo di Aruba bo por “no laga nos den frieuw” ta pa nos yunan di Aruba cu bosonan sa nan futuro ta na peligro un salba ta un famia henter salba no tin nada mas tristo ora bo tin un ser keri den un famia cu un situacion asina aki. Abo tin un? “Please no perdi tempo bel awor”.

Nos tin lugar actualmente pa hobennan cu enberdad kier cambia nan bida y cu kier un mihor futuro y cu kier sigi un scol pa nan por tin un papel den nan man. E doelstelling cu nos kier traha cune ta hobennan entre 18 año y plus minus 27 año.

Nos ta tuma e trabou aki hopi na serio please no bin serca nos pa sigi cu e mes un bida cubo a hiba cu no a bai bon den pasado,

mayornan please tuma contacto cu nos of cu Bernadette prome, pa nos wak si enberdad tin seriedad pa cu bo yiu cu kier bin pa un cambio serca nos Stichting caminda lo e tin cu cumisa na bo mes nos no por cambiabo, Señor ta esun cu lo cambiabo si bo habri bo curazon, e trabou aki ta hopi duro berdad Dios a skohe nos pa hasiele pa yuda hobennan di Aruba, pero di nos banda nos kier wak tambe e motivacion y e seriedad di bo yiu of serkeri. Danki di antemano pa bosonan coperacion y Dios bendishona bosonan ricamente. Conhuntamente den unidad nos por. Stichtingbeth-Rafa, 031488428876, Holland/Aruba. Banknummer: iban nummer nl 84 abna 0520762754 Stichtingbeth-rafa